

Antonio di Refresqueria La Fama a fayece



ORANJESTAD (AAN): Diadomingo mainta a yega noticia tristo cu Antonio di La Fama a fayece. Antonio Vieira Alves ta naci na Madeira 24-08-1924. Hopi aña pasa el a yega Aruba y a habri su negoshi despues di algun aña bibando na Aruba y trahando.

Hopi aña tur hende tabata conoce Antonio cu su refresqueria pero tambe cu su bazaar. E tabata bende paña den pacus y tambe zapato cu keds. Cu añanan el a sera e bazaar y despues a sigui solamente cu e refresqueria. Despues di algun decada e refresqueria tambe a sera.

Semper Antonio mes tabata habri su negoshi mainta y sera esaki anochi. Por a mira cu pa algun tempo su yiunan Antonito dfm y tambe Franklin tabata dune un man den negoshi. Tabata un punto principal di benta bendiendo masha hopi kipashi tur dia.

La Fama tabata popular pasobra su parkinglot tabata atractivo pa e negoshi. Tambe den pasado ora hopi Arubiano tabata bai Venezuela por a compra bolivar na La Fama. Despues cu edad no a duna masha Antonio su negoshi a sera. El a keda biba ariba di e negoshi. Despues a cuminsa mira movecion un biaha mas den e refresqueria y a habri esaki hunto cu un panaderia.

Antonio mes casi bo no tabata mire mas. Diadomingo den careda di 10or a drenta noticia cu el a fayece. Dokter a constata morto di Antonio cu diabierna a cumpli 89 aña di edad. E tabata un morto natural. Cu Antonio Vieira Alves sosega na pas. Funeraria Aurora ta encarga cu e preparacion pa dera Antonio.